

復齋先生龍圖陳公文集

復齋先生龍圖陳公文集卷第十四

書劄

南康到任與三府劄

某日者不撥犯分嘗具劄子申控微衷自後竊念卑賤不敢游黷唯有泰階六符之瞻不間朝夕茲因到任專人以啓劄少述銘荷之悰懷有未盡須至再干鈞聽某賦性顛蒙少夫父師學晚無成碌碌隨群一無可取昨忝小壘初意康庠名郡非公麼之所宜得豈謂鈞慈曲從所欲又趣瓜戍益不皇安是以前狀丐祠實非矯僞上恩不允黽勉上道蓋接人以九月

三日至某家旬日即行奔馳一千八百餘里以今月  
望日交戰事訖入境延見吏民躬行阡陌問之老農  
則曰三年之間兩旱一澇今歲之旱大類前歲比屋  
彫殘迭移在目入冬向深若為存活不免散牒鄰郡  
招邀船粟勸諭民間及時藝麥本軍所管三邑苗米  
除逃閭外通計收四萬八千餘石都昌一縣幾二萬  
石六鄉粒米不收全放餘鄉通放九分所收不及千  
石星子一縣通放七分七釐所收亦僅千餘石建昌  
建萬二千餘石已放四分六釐人戶詞訴方紛然未  
已見議覈增放總約已放三萬三千餘石未可以止

絕詞訟軍儲歲計茫然無備向去賑糴尤慮無策某  
非不知師屯在彊餽饋不給當此何時敢以叢尔壹  
郡上煩朝廷之聽實緣民命軍食不容少緩蹇薄所  
遭才智俱淺日夕恐懼生財之道別無可講祇有痛  
自節儉檢捥初姦其如吏初到便當此窘兼本軍所仰  
河稅務比年征歛每負惡稱不得已削其太甚減就  
中額適值冷月所入絕微非敢子奢實欲奉行朝廷  
愛民惠商之美意見此多方措置收余米穀本軍軍  
資庫錢只萬緡皆起發錢只將公使庫錢盡數及萬  
緡收余軍糧僅可支一月半軍民之心惶惶度日除

已遂旋擘畫外謹具前後陳乞膽軍救荒事例上千  
造化歆乞特賜敷奏念此偏方素沐聖朝深仁厚澤  
嘗此三年旱澇相仍之秋聖君賢相豈不欲極而置  
之泰和之域特患為守者營私罔上移東補西妄費  
朝廷錢物實惠未必及田里耳某雖愚頓至於潔身  
愛民天地鬼神實臨之申謝之初不覺羅縷尚容究  
見利害的確別具狀申聞伏乞鈞慈察其實不獲已  
恕其僭狂之罪幸甚下情惟惧之至

又上三府劄

某伏以歲律崢嶸時宜三白恭惟某官躬秉國鈞力

扶宸極亮夏安安顯默臨相鈞候起居萬福集愚陋  
無所取材濫膺民社之寄黽勉祇役三閱晦朔慄焉  
自省瘵曠是憂昨於到任之初目視旱傷亟具軍糧  
救荒情惻昧冒陳倥偬惟螻蟻敢瀆乾坤實緣事迫  
情隘不知勢分之嚴跼蹐恐懼日竢何譴十二月二  
十一日忽准十二月七日尚書省劄子二道其一下  
提舉司斟酌應副其一下本軍照應施行千里而遙  
萬機之隙一卑賤小吏之請其荅如響自非朝廷予  
惠困窮矜憐愚拙何其捷速如此某與一郡吏民同  
感更生之德懷有未盡不敢嘿嘿緣本軍三邑減放

道及七分以上內建昌縣一所收只五分九釐是以  
只勸諭本縣上戶出糶米穀都昌縣放八分二釐星  
子縣放七分三釐皆當糶濟而鄰路米商聞此郡旱  
甚往往有至目下米價未至大段騰踴民間因天氣  
差暖雜食蔬菜已支吾至此深冬旬餘雨雪米船迫  
歲漸稀去二爰尚有三四个月近城深村以飢死告  
者不絕率多採葛為糧蓋是三年之間兩旱一澇雖  
上中之戶亦無月餘之積小民困苦不堪舉目其豈  
不知疆場尚有帶甲荷戈者朝廷費用倍難冀尔小  
壘不識事休妄尔申喙實緣竭力撐拄今已狼狽來

日尚長軍糧缺一萬九千餘石非六萬餘緡不足了此荒然不知所措至於河稅不忍苛取當此淨月日入甚微猶不以真情實狀投告朝廷則因循之間一身不足愛惜事有不測雖死何益今既蒙朝廷劄下倉司撥錢米糴濟文移取會動經旬月支撥入手恐致後時某自十二月下旬已行賑濟星子都昌兩邑最下戶不免允借折帛錢誠非得已除已具狀奏聞待罪外所有度牒只乞早賜照例給降五十道下本軍逐旋變賣充來年春夏至秋軍糧支遣其糴賑賑濟既有上件允借折帛錢一萬八千餘緡及提舉



司應副錢米可以不至缺事伏惟鈞慈念軍民垂絕之命恕其僭犯俟荒政結局退歸司敗所不敢辭某下情皇惧俟命之至

與史丞相劄

某恭以中春之月膏雨應時伏惟某官並運鈞樞坐安夷夏天同神比鈞侯起居萬福某到官之初敬控謝誠蒙重鈞慈不以勢位相間特賜寵荅三台之光暉然叢照下情豈勝銘慮去臆之抄又嘗昧冒申布微衷退劇震恐具瞻之地孰不矯首歸鄉願分守至嚴豈敢數貢書狀然事有不容已復犯威尊某此月

十一日忽領尚書省劄三道備悉譙提刑所申本軍  
去歲旱歉特蒙撥饒州椿管度牒三十道應副本軍  
濟糴即遣人詣饒州請領亟急接續濟糴及先准省  
劄下提舉司應副米正此奉行民方就食得此給助  
餓人頓有生意某雖愚頓敢不竭力推廣 聖朝及  
民實惠期於無負方彊場多事朝廷機務正殷猶汲  
汲以遐僻民命爲重田里感戴萬喙一詞某與官吏  
獲這刑章銜荷生全何有紀極

與趙石司劄

某竊以季冬之初六花應候伏惟某官忠懇立朝經

綸省闈神明贊助台候動心萬福某幸甚日以挈家  
忝同朝列最蒙眷予自違玉色即歸田間台隋不彊  
尺書莫致此宜得踈絕之罪於門墻豈謂謙光及貽  
親翰問勞諄復感愧來并仰惟家學有源履行無玷  
宰司裨贊實肆相業四海蒙福可算計耶某不學不  
才自度不堪試郡秋間丐祠誠非矯偽繼聞星緒早  
甚恐有難辭之譏九月初接人到家十三日即就道  
十月望日交事是時三邑蠲放從未有成說所歷縣  
邑咨問父老叅酌九江鄰邑乃知三邑之旱兩邑爲  
甚星子放七分三蘆都昌放八分一蘆建昌放五分

九釐一歲苗米通四萬七千餘石所放已三萬三千  
軍儲缺十餘月之備其詳見於十月二十六日控告廟  
堂之狀向來河稅以重得謗當此翔風舟船絕少痛  
減苛額為入復微非敢干譽實畏人言以此郡計迫  
異前日公帑悉以余軍糧不敢他費方可為兩月備  
兩邑賑糴目今舉行告窘倉司日俟撥粟食息為之  
不皇蹇薄所遭安之若命石司宗丞以天下為已任  
念此郡三年兩旱今歲與八年之旱相去無幾八年  
蒙朝廷給降度牒百道是以軍民晏然今豈敢望此  
只得速降三十道可亦支吾今再具狀申儆蒙矜念

一郡受賜韓子有言知其命而且鳴且號者亦命也情迫詞隘不知所裁并丐恕亮

與江東譙提刑劄令憲

某伏以嚴律崢嶸時雪再白恭惟某官觀風一道仁聲遠聞神明贊助台候動止萬福某違離門牆雖久屬心拳々何嘗一日間斷天幸獲以庸陋趨事嚴明孟冬望日到郡之後嘗再修敬旋蒙寵答禮隆詞謙甚非在下位者所宜得仰惟慈明詳棟百城受祉屬吏何敢貢諛某么麼之蹤才智俱下竭來庠阜適值旱荒田里少收公私赤立蓋三年二旱人何以堪兼

某到官晚禾尚有栖畝者目擊枯槁實難自欺參考  
群言早禾尤甚是以三邑蠲放幾十之七八公智循  
常所積無幾軍儲枵然不兌痛卽浮費貶衣削食一  
意收余近方可為兩月備所欠尚以萬九千石計到  
官初首嘗以軍糧賑粟控告廟堂乞援近北給降度  
牒尚未蒙報自度最爾小郡方當彊場鐸騷豈暇及  
此兼冬初尚暖民食菜茹蕎麥尚可支吾此旬餘來  
霜雪貿々來告飢餒昔漸多已委士人有行誼者於  
星子都昌兩邑抄劄戶口分為九品庶幾窮下之戶  
可以濟之而為米可繼其他稍能自存只須賑粟

狀預乞倉司於得孰郡縣撥助米斛地遠動涉旬月而民命懸於須臾終夜太息目今蠲去市稅及舟稅等稅以來米商米亦有至者其如囊空袖短事不逮心以故久歆以尺書縷布哀曲日歷不給緣建昌壹邑最為闊遠民訟繁多某粗不敢憚勞每日朝坐暮退所謂道院亶是虛名星子都昌訟牒却少簡度一二月方始見涯但每得竊窺政令犇走教條誠所悅服炳燭布露百不能一尚乞台照

又

某伏以陽和駘蕩萬象皆春共惟某官總持邦憲吏

警民懷清寧叶相台候動止萬福比人回領報汗并  
公贖之賜仰認仁人用心視亦子有不得其所者若  
已推而納諸溝中軫本軍旱荒申聞朝省乞給番易  
椿番度牒以賑其民在屬郡不敢請者預為之區處  
某與三邑之民感德淪於肌髓某至愚陋當官蒞事  
亦欲隱之心而無愧質之理而無違悔百客在前不  
敢及顧然事有非己力所能必者非得上位主之則  
雖有是心徒具未始有是心也今使臺先為申請是  
其事已有所主矣但倉臺屢有行移謂本軍不速申  
早狀檢放且多及疑市糴之平未當賑濟夫申旱之



遲蓋某十月望日交割後月餘委官覈實始得事定  
又與江州德化接壤德化亦放七分本軍豈得謂米  
價之平偶因蠲其力勝之稅米商四集所及下過市  
井而山谷之間自臈杪春初紫之以飢死告皆取給  
草根葛實以延旦夕又告匱矣如此為人牧守者坐  
視不救縱逃人禍必挂天刑某非敢妄申朝省過為  
濟策計正憲此耳久欲伸吐此懷日族倉司之報蓋  
臈月廿二日得省劄令倉司應副今日始得撥本軍  
米六千石此米却但可濟不可糴經三年且其價甚  
高本軍已借折帛錢余米賑糴此皆台慈軫念小壘

移文催促之賜銘荷恩紀永矢弗偷欲寫此書凡半  
月矣心緒忽々執筆輒止及是稽緩不勝大惧給得  
黃司門書云虜犯淳光其勢甚亟安慶之人亦惶恐  
為俗此月十八日書也殊令人憂恐台意亦欲知某  
不敢以僭越為嫌他遲別布仰乞台照

又

某竊以春序平分風暄景煖恭惟某官德澤在人望  
隆一世神百其相台候動止萬福某外日人回伏領  
損荅詞春溫意山重皆非小子所宜蒙此月十一日  
忽准省劄備悉使臺所請念南康累歲旱澇且謂其

密迓按臨備知災傷之實仁言懇惻上意感通有扣  
斯聽捷於影響遂得度牒三十道當此貧窘惜光那  
移五枚已窮百謫莫逃之日隆恩天墮萬口頓活三  
邑歡聲如雷某與官吏不特遣責而已肝膽輪囷千  
言不足為謝謹馳兩卒詣前請領其詳已具公狀急  
於及事不暇端謹邊事方殷制司及使臺行下遣取  
勇卒已擇二十輩於三日內起發訖比拜誦憂世之  
論三復太息并乞台照

又

某恭以春事過半東作方殷伏惟某官仁政力行百

城蒙幸高厚贊相台侯動止萬福某庸鎖無堪適承  
災傷之後才短力腐雖近蒙倉司撥到米斛而朝廷  
度牒置出一力控陳又明乞於番易公庫支取方邊  
鄙騷動之時孰知民命尤重既拜更生之惠外日猶  
有無饜之請實非得已初意恐使臺猝不可辦只乞  
煥五道昨日遞中領公牒曉示今又蒙賜汗發到官  
會一萬六千緡乃過所云換易之數三倍當來米斛  
轉運永齊之晴亟以官楮隨門給濟米舟與上戶之  
積立可入口已流者返濱死者生部使者奉行天  
子仁恩一至於此闔郡民庶何日而忘即委官分頭

下都昌建昌兩邑同今佐下鄉先行賑濟務速及民所  
有賑粟一併施行又蒙教誨以錢不必待米深中事  
幾蓋米未嘗無飢民無所得錢誠可痛傷至於度牒  
減饒之直又蒙於例外不減為惠益實本軍款急售  
則當每道減及百千然後濟日前下然悠悠無補視  
已飢之今日乃親見盛事亟此申謝一二它容施  
行畧見次年別其狀次仰乞台照

與江東章提舉劄

某切以冬序向深時雪再白伏惟某官望隆一道德  
威懷然神人具依台候起居萬福某昨專人脩始至

之恭以施擔之初蠲租詞牒紛至郡計愕然竭神殫  
思以救目前欲親布幅紙少述積年慕用之誠且道  
冒臆勢不得便遂因循迄今每切惴懼仰惟風采振  
揚百城敬畏某幸獲以身受容察凡可以及民者敢  
不自奮期不負鑒裁之精然而智短才疎到官兩月  
食恩不遑目覩田里愁嘆至為之流涕蠲放三邑通  
計十之七八軍儲所缺萬九千斛傾帑市米得四千  
斛足為兩月備者昌星子兩邑合賑果濟人戶未敢  
先期張星寶亦力所未逮民間有所謂蕎麥蔬茹自  
十一月以來天氣特燠尚未至流移今久告竭霜雪

質村落間有不能出門戶者已多數日前已分請  
逐縣士人有行誼者抄劄戶口取最下者先有以及  
之而稍能自存之人只須賑糴已嘗索具狀乞撥  
本軍昨來和余米及於得熟州縣撥米湊使臺所椿  
本軍米通作二萬石以糴星子都昌兩縣之民竊計  
愛民一念真切誠至豈待贊禱但事勢已逼不容復  
緩不免喋々下情實深震恐某到官首懲河稅苛刻  
蠲減過半累觀使司文榜誤辱假借不勝銘荷自此  
稍可支吾期於稱塞急於布露不復以世俗諛詞上  
溷清聽伏乞台照

又

某竊以歲律更新雨雪方霽恭惟某官澄按百城德威旁達神人具依台候起居萬福某比不揆率尔控露衷曲蒙寵荅親翰詞情備至感惧不勝下誠既辱示問不敢不以實告某到任已在十月半意謂權官已放旱而官吏觀望不敢以實必待某到自某假道隆興問之曹師則知江州德化德安與本軍兩邑相錯已得其所放之數及入建昌目所親見始信不誣盖某之到官凡月餘日訢旱者以千計所以檢放分數不容不實與游宰初不識面亦不聞其有所告也



分數既爾則檢尋救荒案省首見比年每申朝廷乞  
給度牒蓋遵故事不敢率意妄作意謂朝省必且行  
下則不敢遽乞常平米斛事勢既迫不免陳請而田  
里飢民已有不能待者其施行雖初委謹愿士及其  
覈實監糶則悉是差委官吏教諭下及益認燠理之  
明不勝感激其他曲折具見公狀及施行節目俞江  
州手書謹併申呈內俞江州書却乞擲還唯是才智  
知闇徒抱區區之愚日虞得罪百姓儻蒙台慈為一  
郡之故少加寬貸使得支吾此一春退歸司敗誠不  
怨悔已於臘月末具奏乞允借上供折帛錢亟行濟

糴米則猝不可辦已昨於十二月廿九日專人具狀  
乞使司應副官會二萬緡以濟目前或就本軍見椿  
米內撥借糴濟容一一具數決不敢虛濫如此則星  
子一縣本軍可以支吾都昌一縣除下々等戶本軍  
已略行賑濟外其餘糴未有可以及之却望使司徑  
行下都昌委知縣措置糴濟庶幾易辦仰乞台照

又

某比一再脩記府敬不敢復以寒暄長語溷崇嚴輒  
有迫切之懇仰于台聽某到官之初因覩本軍旱異  
歉常亟懇廟堂乞照近比給降度牒此月二十一日

准省劄二道其一道下使司斟酌應副其一下本軍  
照應緣於建昌檢數不及六分已行下本縣札請上  
戶勸菜外呈予都昌兩縣當此雪寒歲晚飢民填壑  
者比々有之其孤兒不住陳狀不容少緩既準今未  
省劄已具申尚書省不敢照例乞給降救荒度牒全  
仰使司應副錢米昨累申乞撥本軍嘉定九年和采  
到米除已支乞丐外實有六千餘石及饒州取撥未  
尺米八百石及乞於鄰郡撥米湊作二萬五千石糶  
兩縣今來本軍已行措置賑濟兩縣窮下人戶係權  
時逐急那先支遣萬一鄰郡未有見在米乞先允官

會二萬道付本軍委官於都昌縣收糴就便置傷賑  
糴都昌一縣庶幾無搬運之費旬月之淹及此正月  
上旬以後問場其星子縣既有見在使司米斛所少  
未却乞照數均撥一郡之民實受更生之賜事勢急  
迫不避冒黷之罪再此專人申稟願俟行下

又

某恭以春序平分輕寒戒雨伏惟某官德望益隆列  
城安妥神明協贊台候起居萬福某比以情棕迫切  
僭率申布人回伏辱寵荅俯念小壘飢困特從所請  
生死肉骨未足以喻方侯外邑撥米見實數尋具狀

申謝忽此月八日林瞻軍至領正月末所賜親翰且  
備道撫存之意於糶外特濟米三千斛詞旨春溫三  
邑之民間之皆所所有生意萬喙一音相與感部使  
者之仁接濟目前誠如沃渴即以一千五百濟軍城  
及星子縣一千濟都昌五百濟建昌別於省倉給米  
充夫力搬運口食所委官吏悉以日計於公使庫支  
給口食顆粒不容欺弊近於十一日准省劄撥饒州  
度牒三十道均分濟糶三邑被聖天子深恩賢監  
司實惠此後更可展濟一月某與吏民感荷當如何  
其施行纖悉備見公狀及林瞻軍回擊不敢羅縷蒙

擲還俞貳卿書并寵喻江右倉司曲折不惟多寡不  
侔江東頃年之濟誠為過厚所費實多今茲不容不  
覈實兼某初度邊鄙多虞規模不得不狹以戶計不  
以口計折九等而不敢循五等正為此也不然無以  
為繼適以誤民為罪愈大既有指準悉力為之更展  
濟一月以補目前之踈畧愚類之見如此更望教誨  
所有支乞丐米今歲雖多為惠皆實所以田里不至  
流移者收拾畧盡皆常平惠澤也至於編管人有壯  
保者皆不復支所以愛惜官物不敢不尽心謹具申  
乞外併此控露尚祈深鑒某下情皇恐之至

與江東俞運使劄

某已具啓劄申詞記府茲有公事雖已累具狀忱誠未盡須至黥聞某不學才智復下誤蒙上恩俾丞之戍丐祠不獲黽勉上道以十月望日到任訖入境延見吏民躬行阡陌問之老農皆曰三年之間兩旱一澇今歲之旱大類前歲不兩日百餘日田野荒蕪逃移在日冬深向去若為存活本軍三邑通管苗米四萬八千餘石都昌一縣幾二萬石六鄉粒米不收已行全放餘鄉皆放九分星子一邑五千餘石已放七分七釐建昌二萬二千餘石高下通收五分軍儲

只有一月半之備公庫所存盡以余軍糧為今年十  
二月至來年九月尚欠二萬餘石此去救荒賑余為  
日甚迫軍民之心日夜皇皇某到郡自日寢食俱廢  
甚悔此來已控告於朝求援近比給降軍糧救荒  
度牒日夕於鄰郡余米無所從得未敢援 淳熙例  
申轉運使司乞那融賑濟連領使牒催余米一萬三  
千石某未到任前已蒙三分減一今此日見狼狽某  
豈敢飾虛詞罔嚴聽以一郡之民將濱溝壑隱蔽不  
聞為罪滋大用是不揆么微輒陳惓惓伏惟台慈察  
其實非避事特賜免催行下得熟州軍收余豈唯某



受容察之惠一郡俱被覆露干犯威尊下情震恐

又

某竊以歲律崢嶸時雪再白伏惟某官澄清一道德  
威旁達神人具依台候起居萬福某頃為部民茲復  
投身容察區區尊慕寧須自言到任之初一書致敬  
不敢親染慮屈尊光人還忽領寵荅為礼不翅與敵  
已等又蒙譙眷賜以妙墨詞溫儀緝事出倒置頗愧  
心惧莫之能喻南康今歲之旱不意至此蓋三年之  
間兩旱一勞民力實可痛傷某自度短才力丐祠廩  
繼聞旱歉不敢力控若辭難然黽勉此來窘迫殊甚

進退不可唯有守死善道到官未及兩月近方蠲減  
旱傷躬督三邑鄉司於郡齋書填由子動以萬計訟  
牒始息即請星子都昌兩邑士人有行誼者同保正  
抄劄戶口分九等之目不敢鹵莽期於實惠可繼度  
用二萬五千石本軍有倉司米除支乞丐等人外尚  
有六千餘石其他所少之數已申倉臺今冬天氣幸  
暖民間尚有蕎麥蔬菜可食至今當此雪凍不日狼  
狽伏蒙矜念不勝感激尚容候兩邑抄劄人口實數  
陸續申聞某伏準嚴命俾和糴七千石今又裁減上  
及三千闔郡感荷此間容米不多每日不過數十百

石本軍糧尚欠一萬九千石傾帑兩月收余僅可  
支吾目前若復加此三千石必至缺誤不免冒昧再  
以實情具狀求免萬一使臺不款及汗即乞發下官  
會容某於江西諸郡收余但望少寬期限使得一意  
救目前之急則某與一郡俱受大賜

又

某比率易申記府敬不敢復以長語仰黷听嚴某昨  
蒙使臺行下和余七千之數復減其四矜憐小壘旱  
歉是遭貸其嚴誅俾一意講行荒政下情感荷已不  
勝懷所以前日專差吏人詣臺請領楮幣度其人未

及中道仁私特厚惠澤游加復於置中又拜盡免之  
命閩郡吏民同然鼓舞謂非明燭幽遠愛切衷誠豈  
易臻此推食解衣不足多譬亟布鄙誠不暇羅縷

又

某伏以餘臘賓春陽剛侵長伏惟某官澄按百城威  
受兼濟清寧臨相台候起居萬福某一介庸陋服勞  
偏壘未以罪去實荷覆露獎拔之賜比覩邸報竊知  
過蒙容察不賜誅斥猥以謬狀上聞下情震惧者畏  
日不知何以得此意者嚴明微示誘勸使列郡咸知  
黽勉某敢不敢激奮勵期報知遇已嘗具啓劄少述

卑悰方愧不能盡此誠意豈圖威德枉賜台汗隆譙  
巽禮如待所敬益令不安寵喻令本軍和余在屬吏  
敢不稟承事有利害不容嘿嘿本軍連歲旱饑去歲  
特蒙使臺賑濟又拜盡免和余之恩小民至今感刻  
今年雖旱禾未熟然自八月不雨至十一月雜種蕎  
麥一切不收米穀行已告竭全籍米舟往來價直率  
未甚長今所在和余本軍方欲施行而米商聞之來  
者便覺稀少若抑之使粟市價必增貧民愈見皇  
今本軍晚禾既損無可收余客舟又不願和余不免  
差官吏於江西收余非三數月不辦欲乞照先準使

臺指揮容本軍逐急多方收糴三千石其餘二千石  
敢望台慈俯加憐察特賜免糴實一郡百姓之幸干  
犯威尊皇恐俟命之至

又

某竊以春序平分風暄景暖恭惟某官澄清一道德  
威旁達高厚臨相台侯動止萬福某昨蒙再蠲和糴  
之數遣吏請直已荷矜憐小壘飢羸之民俾得自給  
豈圖仁慈惻隱悉賜免科因得船粟陸續不至翔踴  
此恩甚大闔郡感激伏念某么麼不才適當旱歉公  
私亦立軍食大缺民命不容不救去冬承興念深切

欲為上奏朝廷及比領親翰詞旨懇複無非為民自  
惧猥瑣不能仰承美意去臘不獲已奏借折帛以為  
糴米及比累準倉臺從請許撥糴米六千濟米三千  
如甘霖沃枯生意頓醒六千之數以往年恐折闕尚  
爾待報所差官於此月初九日到軍得濟米三千即  
分三邑實救目前十一日準省劄備悉憲司申乞於  
饒州撥度牒三十道付本軍均分糴濟救荒一事遂  
可指準獨軍糧欠萬九千石極力支吾那融外自二  
月至八月欠萬五千石日俟朝廷照近比給助凡此  
皆使臺主盟之力茲有不容已之懷冒昧申控本軍

春衣當萬五千餘緡目今尚闕五千緡內二千六百  
五千緡乃使臺贍用米水脚錢每年依指揮截二千  
貫連年旱澇不收彷徨四顧無策可施已具公狀歆  
乞照數取未支二千六百五十餘貫應副春衣支遣  
不勝幸甚顧小壘本不敢取償上司實以綿薄擘劃  
下前而屢辱親劄軫存獨厚苟不控告實負仁私于  
犯威嚴皇惧之至

與宋總領鈞劄

某伏以陽和韶蕩萬象欣榮恭惟某官餉軍撫民上  
下與足盛德天相台侯起居萬福某叅申記府敬恨



投身百謫之域日救頭然歆盥手具一緘少腔胃臆  
心緒紛然握筆輒止有負此心日不獲已以月椿為  
懃固知邊事方殷軍食倍經豈敢恃門下隆篤鄉誼  
月、而前緣本軍適遭旱歉三邑通放七分以上廩  
悉一月之糧野有餓殍近比蒙朝廷給于度牒為本軍  
賑貸糴本去年十月到官初即懇廟堂歲前得省劄  
俾倉司應副倉司撥六千石為賑糴用經歲陳腐雖  
可以濟倉司止許糴見此申審徃反之間填壑者多  
不及待矣某具奏借上供折帛錢七千緡已於膺月  
以來濟糴都昌星子兩邑戶以萬計而錢穀眇然假

假貸多方支吾此三數月待結局後力丐歸田比以甚不得已有此干讀敢謂台慈特垂矜念俯從所請使某與一郡吏民俱拜實惠感激諭於肌髓千百謝誠言不能既仰乞台照

與朱寺丞在劄

某竊以中冬之月景氣狘溫恭惟某官狗彘琳宮盛德重望神百其相台候起居萬福某到官以前月望日凡百悉成規所賜敢不知自即欲拜狀緣入境以來民以旱訴者紛然日不暇食不免差官與之覆視蓋建昌一縣所管地界最闊民亦喜訟不與優免蠲

與減自入隆興即知江州德化已故七分其他實相鄰錯建昌曉禾雖有半收已上而早禾多無所收今放及六分裨補稍當是以一邑頗帖然都昌通放八分以上游宰所欠官物無所從出但高卧慨嘆某招致到郡見其所說財賦率多鑿空况此旱歉被惟有去志不得已為申上司其餘軍用只得盡已而星子一歲亦三千餘緡悉皆蠲之取辦郡中樽節之費建昌見兩邑蠲減之多不能無望亦不敢督迫與之分限此愚頃所為盡心食息不暇者也稅務鹽袋外錢照數年前例蠲減一歲約折二三萬緡今無它策只

有洗手奉職貶衣削食而已腹心之悃微契好之厚  
其敢為它人道哉承不鄙棄累拜誨函展誦如侍誨  
語不勝慚感寵喻坐跽像真有益學者今遣此人去  
欲借蜀本圖子依式造度有據依其它辱條示者一  
一遵承別紙拜報尚幸台照

與趙經畧劄崇憲

某竊以春序平分時雨濡潤伏惟某官以德善倍聲  
望藹然蓋壤文贊台候起居萬福某日承報汗之後蹤  
迹差池一書不勤未嘗不負媿竭來於此密迓宇下  
念可以少遂問業攷德之志一投吏穿如坐春冰蓋

才智本下去冬十月望日始交事檢放僅不鹵莽講  
行荒政委實後時自臘月之抄始能舉行力所不逮  
狹其規模急救目前自最貧下戶始此月初始得倉  
司撥米數千朝廷給度牒三十道接續濟糶去冬嘗  
具奏援淳熙七年文公先生比借兌上供折帛錢以  
為用幸而流移不至多饑殍不至甚粗有顏面出見  
吏民但人禍之可逃恐天刑之莫逭善後之計凜乎  
朝夕郎中世生志鯁家有經綸在朝則高勇退之風  
殿藩則著及民之政近自仙里來者又言今茲之歉  
門下實家為平糶以陰濟里閭所活不可勝計忠定

公父子之賢乃如此聞者興起世方以得閑為公報  
來喻許秋間拏舟為五老遊何耶某苟未以罪斤尚  
得倍杖屨叙間闊也某去秋來時得見提舉直閣兄  
官業甚美有懷千萬臨書莫宣敢冀為 皇家珍畜  
亟踐台衡以副紳搢之望某下情不勝拳拳

與江東李安撫劄

某竊以中冬之月天氣晏溫伏惟某官坐填華夷德  
威交暢神明叶助台候動止萬福某夏間嘗從端便  
申敬記府以謝日者蒙被待遇之厚不盡懇款震恐  
迨今比頤人致到任鄙誠伏想已徹嚴視自惟庸陋

才智俱下冒當郡寄實惧弗勝况值大旱之秋三邑  
通計苗米四萬八千今年蠲放三萬三千餘石軍糧  
歲計二萬餘石當此月支遣外倉無儲粟皇々四顧  
洗手奉職貶衣削食所得一次糴米為軍食民間孤  
貧常年六百餘人今歲倍之賑糴之策茫然無所從  
出蹇簿所遭安之若命兼河稅素負惡稱到官首行  
蠲減月額不下四千餘緡驟尔就寬徃來士夫有不  
相礼悉者意外求免未免與之辯詰此郡三年之間  
兩旱一澇田野蕭瑟觸目可嘆星子都昌兩縣鑿空  
取民之數一切蠲之直以稅務代輸若得數月民力

少寬但恐愚頑不能集事亟以罪去不及見田里無  
愁嘆耳伏領台翰俾撥惟西總所萬緡收買寨木仰  
認為國家你長思某雖愚懦實切激昂思策駑力以  
効萬一實緣庠阜大非昔比江湖之衝民貧以木為  
活牛山之伐未足以諭某嘗至山間見小民擔擎至  
城者甚不多今招誘於郡門內致場收買詳見公狀  
歆乞念小壘旱荒特甚亟賜支撥錢物下軍遂旋收  
買所有總司錢既無許允之文徒致扞格無益於事  
真實之惓伏乞深察某下情惶恐

與袁侍郎燮劄



某竊以歲律崢嶸時雪三白恭惟某官獻納彤廷朝  
推碩德神明隲扶台候起居萬福某昨師易申記府  
敬且致日蒙教誨顧遇與夫已交賤事之謝乍承極  
旱彫疲之後才智短淺日夕震懼豈不願以手書請  
訓飭力不足勢不暇然未嘗一日敢忘也劉醫近日  
自在所歸首出季秋台翰一通於尊慕慚悸中展  
玩數四喜不可量萎承抗疏引去在今日多事於貪  
賢尚老尤宜加意天下幸甚某不學不才昧冒試郡  
不幸當三年兩旱之處又素有饒足之名其所以饒  
足者河征之利一孔不遺耳此豈某所能為哉三邑

減放通及七分與喜定八年大率相似今之事體大段相遠蓋八年乃楊監簿申請得僧牒百五十道又前官倉廩有儲又先事講究得晏然無虞今倉中無兼月之糧前後多為民戶代輸將謂此郡事力有餘自非歉歲夫豈不有餘裕其如天災流行十室九罄冬深民米葛為糧死者相繼言之可為流涕某十月未嘗控告廟堂乞照近比量給度牒荷廟堂薦於愛民響答以省劄俾倉司斟酌應副事勢急迫恐民命懸於朝夕遂先支折帛錢以為賑粟用而先濟最下之戶其詳不暇述仰惟因論事之便賜以鼎言使某

得支吾此數月候荒政結局退歸司敗誠不怨恨亟  
走介至廟堂草師大惧并乞恕察

與江州俞侍郎劄

某竊以愛景向舒寒威未勁恭惟某官坐填雄藩國  
勢增重神明贊助台候起居萬福某屬心門墻久其  
日矣天幸得承乏偏壘實共一庠阜入境以來百歷  
屬邑知今歲之旱蠲放之寬實自仁政始某因得効  
涖以及疲瘵所賜顧不厚歟庸陋之蹤才智俱下使  
當豐歲尚恐弗及適值歉荒若為救藥三邑通計苗  
米四萬八千斛蠲放者三萬三千餘斛軍儲民食無

所措手冬深賑糶又將安出尚望仁私特垂教誨不  
獨使九江之民溫飽於召杜之懷某之幸也某到官  
食息不暇思寬征剔弊邇未得其要雖已脩謝書遣  
行稽緩乃為謙施所先徒切愧惧眷遇郵厚寵賜稠  
渥專札以布感刻之悰言不能冬亟此復嚴命旦夕  
走騎別致所懷仰乞台察

與撫州趙司直劄

某竊以春序肇新郡方道泰伏惟某官正色涖民愛  
惠周普神明贊助台候動止萬福某日假道大俯蒙  
教誨飲食恩意甚至臺餽稠重假之數舟使取疾至

郡得早交事至此成規其存受不知之賜不可筭計  
若此者其可無謝而愚頓不敏適值去冬旱歉三邑  
減放十幾七八軍餉既缺星子都昌皆當賑貸至晚  
後時雖蒙 朝旨行下倉司應副米穀文移往復不  
免濡滯僭援 淳熙七年朱文公比具奏乞借上供  
折帛錢為糴本去冬之抄及新正始能施行田野之  
民索 就盡獨城市有米商賈不知以為不甚荒歉  
轉聞倉司而星子宰以憂去都昌才力亦弱建昌尚  
可緩濟糴之事某之精力但能及星子為日尚長慙  
乎不知所以為計士人能言司直頓在興國就金於

湖北漕以為糴本興國賴以不餓至於均賦一事與其他善政卓卓在人耳目者皆某日夜之所以心悅誠服者也所懷若此一書不敏竟為謙施所先門下亦知某愧乎不也每愁思作輒詣六老誦其文擊節慨嘆嗟呼真足以與此山同不朽矣近見講義一篇精確見道淵源有自非敢諛也本軍米舟皆軫愛舊治之恩曹師適又當要郡人兩德之寵喻綱船昨日常方到已頗戒與蠲税金二十千即令發去它容續布

與真西山

某恭以春序平分東作雜時伏惟某官躬行古道導

民以仁列邑蒙幸神明勞相台候起居萬福某去夏  
承禱函疚心失於求誨之便迄今未嘗不恨秋間拜  
狀後僕道途十月望始到官自江州德安入境旱  
歉在目權官不敢檢放某亟委官下縣覆視星子放  
七分三釐都昌八分一釐建昌五分九釐通放七分  
以上廩無兼月之積田里嗷嗷即申省乞給助米來  
既後時亟於去臘具奏援文公淳熙七年例借上供  
折帛錢為糴本米既不可猝得即以官券先自下下  
戶濟之此月初始得倉司應副米斛九千五百從省  
劄所報又荷憲司申省得度牒三十道漕司亦助千

斛此月建昌一邑方能施行星子都昌則自臘月已  
先濟糴流民餓殍幸不至多中間梗於倉使見疑今  
始孚信幸不至缺事但軍食白撰二萬石為緡六萬  
有奇申請於朝尚未報以此日夕憂懼邊事方殷總  
所戶部文移不紀雖八年所欠綱米朝省以下運司  
体究當蠲者徒且不免追督則目前之欠何時可平  
以此款遣一人至家中屢作書屢輟以至於今時事  
窘途如此豈不可畏今歲救荒錢米不及八年三之  
一不敢不覈實支散竢荷譙憲於兩司及番易冗官  
券萬六千緡以應目前百姓因思八年之惠得賢部



使者縛心協力民賴以生豈非一路之福今茲施行  
多循成式但錢粟不多未免以戶計不以口計革去  
偽濫湏及困窮百謫在前非所敢顧期少稱聖天  
子選侯牧民之意而已何繇數以書請教第劄尊  
仰伏乞為一世保重以愿桐城父老之心至於善政  
善教不復諛誦下情至扣

又

某惶恐百拜上問壽母太夫人敬惟福履山翠令弟  
判院未及拜狀令尋新恩學士昆季為學日益老人  
拏累悉申起居舍弟某誠邑乃得大賢為之師才短

尚望教誨今縣令時實難當才或事辦治或事撫摩  
要未易兼得必不得已則取其事撫摩者此問三邑  
獨都昌游宰陳尉奮身儒學刻意愛民集今年只有  
兩削各以舉之游之才雖似少不逮心然當三年兩  
旱民力極困之後一切撫循不敢一毫有擾今年新  
稅既放八分昨八年總所米綱經賢部使者申明蠲  
放至今催督未已今年之欠又不知何時可已都昌  
月椿欠誰東總所七千緡不獲已郡為每月帶補六  
百千新年所欠又復未知指準大率不可為己力勉  
其究心耐事郡中月鮮不敢趣之而為其輸上司之

賦不然則彼有去志邑益壞矣源流非一日誠可嘆也郡以稅務為急它時茶鹽有征今去其泰甚者以歲計蠲四萬緡與船粟之所謂力勝者又不在是一切寬之始得米舟輻湊而郡帑則枵然矣一味省節恐亦可以支吾邊頭繹駭近方少息制司調敢勇士本軍得二十人遣之維又行下不可多發此乃事寬之驗戎狄寇盜分據中原我師不宜弛備則屯田之策正是可行之時但恐事寬則忽而不為天下事每患如此使人長嘆無繇面許第有瞻詠李果州已到卿此間士人有遇從者聞其言行為詳去冬之逝識

與不識皆為流涕因知八年之旱江東之民有命其  
子曰真晉李晉父老至今感嘆昨蒙授以江東成規  
開發良多事力薄又後時不能効其百一隨宜區處  
粗不至缺事它日亦編顏拜呈心之精微不能槩布  
仰乞台照

與袁州鄭毅齋劄

某竊以季春之月雨後清潤伏惟某官德政在人千  
里詠歌神明贊助台候起居萬福某昨率易拜狀便  
武忽領報翰眷存甚寵感懌無以借喻郎中治郡直

寄徑耳而正身率下刻意愛民闔郡無一夫不被其  
惠此經綸天下權輿甚盛々々某愚頃不知事勢徒  
欲有以及物旱歎之餘適當邊鄙多事屢干朝廷蒙  
給度牒撥米斛因得少活饑羸不至甚失所更展至  
四月末結局二麥幸因積旱土力反豐遂有一飽之  
望凡此皆平旨教誨藉以苟免甯不感荷邊兵未解  
括金造甲之令已下郡縣無生財之道只有一切節  
儉休承國事妄意謂今時取民過承平數倍皆耗於  
宦官宮妾與夫郡縣貪吏誠能內而官闈有所撥助  
然後手詔風諭臣鄰使中外一心節費裕國如此或

可感動不然直取之郡縣健吏並緣未見有補為害  
必多狂斐之言聊為門下一道欲言千萬無緣面陳

回勉齋黃先生

十二月晦前一日某皇恐拜覆制叅判府郎中先生  
黃兄至領所賜手教一通方講荒政謾不得其要先  
生一語豁然心通盡破宿常叢脞之規使人灼知利  
害所在一郡受先生之賜為多何者衆言盈逢舊規  
滿冊務無一民之或遺道里之遙事緒之繁適茲欺  
弊今使家糴有常有無相通即可舉行不待詳覈幸  
甚荷甚某才不逮人來又後時軍儲當告匱之秋河

稅正號冷月此雖使巧者尚束其手况拙煩如某者  
我到官八九日即申省乞照嘉定八年例給降度牒  
此二十一日人回蒙劄下倉司斟酌應副就令即得  
僧牒年來寺觀亦無可賣之人倉司雖有米率皆虛  
數陳腐第令可用轉撥亦費月餘所幸天氣未寒民  
食菜茹支吾及此前此三白狼狽立見今不獲已照  
交公先生淳熙七年例其奏乞權截本軍折帛錢萬  
七千緡乘時糴米及遣人於西江收糴竢倉司應副  
到却恐後時分委星子都昌兩邑有行誼士人餽之  
錢須煩其下鄉抄劄分作九等其上戶及寺觀則俾

一併勸其依時價出糶其最下戶則於此月下旬為頭每戶月濟一千下上不中悉行賑糶兩邑最下戶支濟金三月通約五千以下緡而米價雖不可減亦令以官會合糶將來結局必折六千緡本軍須與挹認庶歆少及貧戶若夫天災流行大家喫受與夫教使偷惰之說前所未聞如此則公私分責人人自奮恐亦可回天意不然當此厄難安坐求飽豈理也哉蕪文公所作河寨垂得十年趙司直嘗脩其石土煙船道商舶患之某樽節六百千募民浚之每一擔土自東至西與之叁錢日役小民千五六百人五日



而止惜力不繼又須它時勞而無補徃徃如此恐先生欲知不敢不布承城壘將畢餘力為營屋千間以居壯士造弩千張使之訓習使沿淮皆爾則中原故所失地豈有百年未復之理今世所師安先生其安歸新春肇序敬惟天以備福為起居相諸位宣教兄不敢一一拜狀不備

又

七月晦日某惶恐拜覆某官前月十九日急足回領報汗三復以還竊知小愆攝眷以道馭氣尋必勿藥即欲走一人拜書多事因循日寘懷間如飢者之不

忌食也蜀師連遁潰卒首亂罰不時施聞以爵招之  
二胡方退曹真二公進用差強人意安子文和議必  
成歲幣恐自蜀取道而去若山東及襄州所募比人  
無及側意和豈不可二者雖處吾腹心地將何以制  
之先生於此時袖手燕閑豈非天哉某才識闇淺謬  
當郡寄幸連歲中熟銖寸所積糴粟得五千石以備  
水旱為緡萬有奇又得錢七千緡為抵當庫專為子  
城版築用幸黃文為代可成此事其它無一毫及民  
而今歲水災低下田頗損螟蟲為沴二者幸皆不及  
十之一二已委官踏視矣某七月初再丐祠恐妨代

者之來得報受代度十月初抵師席也至則為旬月  
畱以遂承教之願李文潭倅恐成見次既不拜俟部  
符趣上必再辭乃可受胡堂長畱洞中礼書近校正  
得數冊已利脩見不住手須可畢其事昨蒙尊喻補  
儀禮通解數門恕已就緒某未得聞若得之亦可椿  
晉鑒刻之費以俟來者久欲遣人致脩書工匠之費  
頓不及事自訟何言及今如能致其見兩狀蒙恕其  
僭而畱之幸甚

與王總幹書

某惶恐頓首再拜上啓某官久不拜狀念心事相關

如左右者有幾尺書尚爾闊疏每愧不敏忽辱近翰  
盈紙詞情厚甚益用愧悚即日久兩敬惟靖共在位  
盛德有相台候動止萬福自承賢者到官已久忠誠  
効職微祖考之烈人猶當敬而愛之況梅谿父子輝  
映後前有耳目者必事先取寘門下矣但官卑祿薄  
事親孝家世廉貧居物賈踴貴之地甘旨得無不能  
如願乎先都運下世今未數年上官豈不知刮目待  
足下然昔人以道悅親飲水曲肱其樂無量即不由  
道萬鍾千乘足為榮乎祇見其為辱耳天道昭灼願  
堅所好以竢其才智既踈又不能與時俯仰合在山

林誤作此來料理凋壘百弊近方小革大抵軍食比  
三年前加三之一它費稱是每仰河征某為蠲減一  
歲至四萬餘惟綱運挾商者不得志往往騰謗今將  
三政出納計財為一冊洞見本末雖使巧者歆為姦  
有不可得苞苴一味斷絕三縣有無名之賦悉與蠲  
之入少出多郡計僅不至乏則幸矣以此得罪於人  
不少去秋丐祠以諸司誤聽之嫌不敢繼往今春邊  
事如此豈求去之時近幸小息已遣人懇廟堂求嶽  
祠若得五月去此幸甚蓋去秋建昌一縣薄損亦放  
及半月軍食之數今此閏月比常年缺三月糧毫毛

收拾收糴已可支至八月及食新矣如此始敢丐祠  
桐城之政真不可及若得且閑亦其福也願言千萬  
何繇握手弟有馳情承寵示梅溪先生文其間多薦  
進人士先君蒙教尤深三復涕流前輩於人才如此  
其公而無私又如此今人亦有可傳之藁乎已抄寫  
一通置坐隅庶幾師法萬分之一承令作序文何見  
愛之深不知其庸陋而使見誚於當世之士是非所  
以愛我慚不可言以盛意不可虛已出數語於卷末  
別紙錄拜呈書院扁榜亦不揆拙惡如式納上建昌  
近來人情頗安之已舉之矣初聞未免多訟其不戢

吏也恐欲知即欲拜書緣抄寫文字未畢又作大字  
此間無筆於九江造始得之因循遂至今若夫瞻仰  
之心與天通也自此只片紙數字見寄足矣前輩無  
月不通問亦只是草師故尔時事不欲桂口餘冀保  
重不宣

卷十四終

復齋先生龍圖陳公文集卷十五

書劄

南劔通史丞相劄

某恭以良月方中寒飈半肅云已具啓劄申致謝誠  
茲有不盡之懇復至陳露竊念某一介庸陋無所取  
材再蒙陶冶俾典便郡奉親之成已於今月十一日  
到州上訖既無道途跋履之勞又竊祿食全家飽煖  
亶由君相之恩若為感奮但自入境以來躬履田畝  
咨訪里閭則知旱踰半載田禾早晚皆失收比屋疾  
沴死者相望某到官首以錢米分委官屬選鄉人之



行誼及僧行之有心力者多為粥藥以拯療及那允  
錢會委官及僧埋瘞死者不使橫棄道側為數頗多  
惶惧不知所以為策及本州徃徃多有羨餘之名某  
初不知將謂實有餘財及交割見在七庫通管式萬  
二千四百餘貫錢會不足充一兩月上供諸趙積者  
乃是未可發洩之鹽爾自秋以來在城及五邑民病  
死亡相枕安得買鹽之人而支用一須錢楮時刻不  
可違誤蓋舊歲賣鹽以一月計幾及萬緡自去年以  
來頓虧今年正月以後每月只及五千緡比前政已  
是減半兼此疾癘愈見希售每日不及六七十千誓

竭駑鈍以務全活民命不敢辭勞尚望鈞慈矜念此  
郡旱疫並作時加優假豈特一郡受賜某亦賴以逭  
誅稟謝之初吐露衷曲不覺黷犯下情無任戰灼之  
至

又

某輒有迫切之愀冒干鈞聽伏念某去年十一月到  
任其時禾稻將收亢旱之久遂成疾癘農民十室九  
病難於檢視遂逐急將五等戶一例減放苗米二分  
仍將十三年二稅未催錢米一萬五千餘貫盡行蠲  
放已嘗具申尚書省訖其狀內聲說俟間正方敢陳

乞濟糴飢民緣是時以民病危急多方委官醫療度  
所收尚及五六分自後民病新愈未能力獲至時失  
收今契勘所獲到米不及一半入春以來取食新尚  
七八箇月農民比室空竭上中戶所存米穀委實不  
多雖已勸分不能遍及飢民嗷々蕪風倍強悍剽掠  
之奸每費鈐束自惟僻郡支壘豈敢仰煩朝廷區畫  
而民命陷危疫癘之餘死亡已數萬計若更坐視恬  
不加恤恐非朝廷委任牧守之意用是不避嚴誅仰  
冀矜念乞賜敷奏特給降度牒七十道付本州專一  
變賣收糴米斛賑濟飢民其一半賑糴收簇本錢發

一郡實受更生之賜情感詞隘下情不勝戰懼之至

與馮提刑多福劄

某竊以上冬之月寒色尚淺恭惟某官威恩並行全  
閩安帖神明贊助台候動止萬福某庸繆撫民無術  
日惧無以惠養鰥寡幸蒙善政台致豐稔但人民比  
屋疾沴鄉落城市蠲目死亡此則某刑罰不中所致  
日夕大惧雖欲賑療其如常賦不充淺斟不克如志  
忽於今日恭領使帖發下千緡俾均濟田里仁明覆  
燭視數百里外如在霜臺之例某即集官寮喻以盛

意親以手劄囑外四邑使委同官及士人之有行誼者同日分路務要使司實惠毫釐無遺深恐有負臨按下情不勝喜惧之至

又

某伏以一氣回春萬方開泰恭惟某官正己師下風采懽然高厚臨相台候動止萬福某已顙狀累述鄙懷茲有公事不敢避黷犯之譴竊念本州之旱五十年所未有合先期檢視申聞諸司乞備奏朝廷重賜蠲放賑濟飢民給助軍餉屬某到官已是上冬之半若俟施行非三兩月不辦而倉庾已枵立俟食軍

遂不論官民五等戶量行通減二分蠲十三年之欠一萬五千餘緡已大負百姓之責日夕靡寧其實所收不及六分又農病過時獲比及入手只有四五分從前上戶所入多下外州出糴今日下民間已缺食春夏之交將何所仰方委請逐鄉上中戶及行誼士人分鄉給薄勸諭俾於東作之時結甲舉貸使貧富相依以時耕耨比熟官為理償以弭曩時借糧喜亂之風下四州雖甚飢而維浙二廣之粟皆可接濟非若本州窮山之底既無上州可糴之米又無海道可通之運圭合一泄百萬口必至餓死是時某雖誅死

不足塞責仰惟提刑郎中加惠一道況本州切迫行  
臺理宜與三山之民一等賑恤比準帥叅賜書令某  
放溪米比常年豐稔下三山在某戢守實難遵承欲  
望重賜一言活一郡民命沒齒不敢忘德干犯嚴聽  
下情震恐

又

某外日以本州缺食之故禁米船下溪僭越具劄方  
惧犯嚴恭領賜荅隆譙盡下不勝感激今伏蒙台喻  
款委和糴本州米萬石仰認愛民惻隱之盛指某雖  
不肖豈不願推廣仁術而自執偏見以拂衆情加以

崇臺命重其敢違拒實緣去年之歉沙號縣產米地  
不及三四分收其它諸邑尤甚目今已缺食如倉峽  
百里內本州見糴米每月委鎮官給糴它邑各委見  
任寄居士人下逐鄉勸糴春夏之交必至大段狼狽  
已申朝廷乞給僧牒七千道濟糴其糴者收本錢解  
發仍申倉司乞撥米二萬石為外四縣之備前日所  
以懇師叅及鄭知院皆荷矜許况受知門墻之深敢  
不以情告緣建邵之米既不下本州本州之米委難  
及三山此百姓所必爭告官司難彊戒約某思之審  
矣某頃在南康亦以救荒後時輒先以上供剛運萬



餘緡乞截光濟糶皆荷 朝廷矜先仍恕其先發後  
奏之罪蒙台喻欲發椿積錢為糶本此說正當速行  
徑同師憲司申朝廷一面先集販商借以本錢盡散  
十萬餘緡或差延祥荻蘆兩寨舡隻差軍兵二百人  
部押收糶因可彈壓海道而客舟亦恃以自壯米必  
四集或申朝廷乞且撥平江百萬倉五七萬石分限  
挹認糶錢償還則所糶者多所濟者廣與減一州口  
中之食無益於三山百萬戶之饑其利害不侔況今  
來赦文許旱荒處監司州郡申明賑濟正當便宜速  
行不拘常例庶幾及事仰惟提刑郎中下車以來風

采振揚仁聲宣着凡所施設各合事宜豈伊涓埃敢  
裨山海不揆狂斐率尔控露下情不勝震恐四州灘  
險之禁仰拜大賜區處尤盡見此奉行下情感荷

與福建譙運使令憲

某比所遣吏回恭領某官報翰三復眷存誨誘之旨  
感極至於亡言承寵喻蠲租一事非至仁惻怛孰旨  
加念貧乏下戶至此某愚頓鈍不達民情初間亦歆  
有所高下既而計上三等戶為數絕少而征頗重下  
兩戶至多契勘徃上戶折而小之然未必盡然一時

急於曉示俾其趁時輸納今得教飭悔已後時但當  
默体盛意徐緩下兩等之催又将炆稅錢楮比常年  
特與六分楮少寬民力儻可支吾何敢有愛鹽筴又  
蒙台念前期已追回倉司吏區、有請如響應聲若  
尚不自力趨承戒命罪何所逃亟此控催謝之誠言  
不盡情仰乞矜照

又

某輒有少稟仰于崇聽某一介庸陋拙疎人所鄙棄  
苟非賢部使者知遇之素何敢冒當劇壘照得本州  
五邑惟順昌劍浦最號敗壞劍浦尚每月解發百餘

千順昌不解一錢順昌每月上供銀五百兩前政已與申省每月減作三百二十兩升飯帳錢一百一十七貫每月計一千二百餘緡自某十月十一日到任得見權州趙倅被本縣欠上供銀六百餘兩某盡與蠲放某到官幾兩月揚縣丞權縣未嘗解到錢分文計欠本州錢二千四百七十五貫通劔浦兩縣兩月坐欠本州錢四千餘緡而上供之解使司增鹽之發不容稽緩則是誠一日不可為竊見使司及提舉司發鹽下順昌出賣乃是近年以來揚縣丞失於申明今乃恃兩司之賣鹽乾設本州財計間之一網在縣

有數月未賣盡者可見藉是以為私賣之地歎乞日  
下抽回諸司人吏將發下順昌鹽容本州委官拘椿  
出賣量挹兩司額錢照本縣限期解發庶使本州上  
供版帳不至陷沒誠為兩便如鄙見可來乞賜施行

又

某紀分出位有請仰見都運殿撰大卿視國如家用  
意深遠於人才尤所加意某苟有識知不敢自隱竊  
見泉州南安縣丞劉希仁正字實之、孫少登科第  
孝友忠信文采燁然泉之善政裨贊為多邵武光澤  
主簿劉希醇正字建翁之子脩潔和敏吏事通暢某

嘗視其在官訟牘知之為深此二人可脩藥寵之諸  
又與化涵頭監倉傳度樞密之子大諫侍郎之姪好  
學篤志日以讀書作文為業官滿在末年春嘗捐私  
錢五十萬隄涵江路鄉民愛之不忍其去此人可脩  
陞擢之列又與化莆田主簿李晬儒學吏事鄉中同  
寮莫敢與齒郡政賴以和平凡此高明所知顧某何  
人敢以論薦誠見都運大卿心事與今人殊輒冒言  
之恕之罪之跼蹐以俟

又

某比專人稟謝不盡欲言之萬一又恃容察有素妄

意薦士過辱寵荅不惟不加督過溫乎其詞若待所  
敬此近時所未有感激漸悸某到官幾三月蠲減既  
不能多有負初心而民食一事最是關心寢食為之  
不安此郡居上流非如泉福濱海四郡仰船粟以接  
濟今歲惟沙縣將樂有少粟比常年所收甚薄每年  
豐稔例為販戶所糴過三山今年為諸邑皆歉豈容  
顆粒泄出他界只得堅守禁止下溪之說務使上中  
戶有少積蓄春夏之交委逐鄉老宿建鄉勸諭俾從  
便自糴鄰里底幾如台翰所謂周人善政鄭公青州  
之遺意今既未敢求助於朝若貪目前和糴小利使

深鄉之積不數日盡泄於外則來年自正月至九月  
民何所得食緣此間無早熟稻皆秋抄冬初方收比  
他處尤可慮而民貧至骨輕生喜亂尤宜先事隄防  
苟此念一隄禍患立至除已申使臺及師司乞照會  
外恐有商賈詞狀欲賜主盟幸甚

與福建樓提舉劄

某竊以冬序向半寒氣未凝恭惟某官臺府望尊惠  
均一道天同神比台候動止萬福某一介庸陋冥身  
容察非時不敢脩記府敬但與吏民同尊仰比以民  
間疾沴大作死亡相望日夕震恐賑恤之力方惧



綿薄令春申朝省乞賑濟此月方得省劄令本州於  
交割米斛內撥三千石濟糶而不明示倉分遂不敢  
陳乞於常平倉支撥但以本州錢物委官於五邑散  
施近準師司助千緡少可適及又蒙提舉運司各給  
錢米遂使窮山深谷悉沾仁澤不啻如某拜賜敢不  
廣行推濟務在無負聖君惠眷貧困之意以成賢部  
使者愛民之心下情不勝感荷忻悚之至嗣見次第  
即其申聞

又

云、某幸甚得以容陋寘身容察雖屢託書狀終不

若趨走後前區、尊仰無以借諭某不揆犯嚴比以  
本州旱饑疾癘僭求發廩伏蒙仁恩萬於慈愛不待  
踰時隨和輒應既捐本州既椿寄之粟復移昭武常  
平之米五邑耄稚已有更生之喜在某恃以粗寬牧  
養之貴其為感荷又當何如本州見因禁米勸分諸  
邑目前尚可為朝夕計除已多方耶移諸帑收糴米  
斛於劍浦管下缺食處置場賑糴及幕舟詣邵武運  
載接瀆出糴候支到次第別具申聞

又

仰恃台慈軫念凋郡小民乏食許撥邵武米緣本州

尚有使臺寄教米一半未蒙支撥今若取邵武米到此有折閱搬移之費欲收乞回邵武二千石公文乞徑就本州寄教米內一併支撥應付日下賑糴實荷大賜却容本州收簇本錢候秋成收足伏候台旨

回本軍趙通判劄

乃者恭承屏星經由得展望履之敬深快風昔之願違離道誼無非向仰之日仰惟府判學業才譔搢紳推重臺省峻擢公議所期屈佐一州士論殊弗第公朝用賢必先詳試今茲鄉郡被饑守貳得人振貸畢舉溝壑之瘠轉而寘之春臺闔郡羣稚莫不相慶聞

漕臺發常平粟二千至本軍見此議顧舟搬運本州願  
借金買舟運至三山却須使府於懷安買舟運至大  
義庶幾可濟只候漕司行下即便施行因此稟及其  
本軍亟差一人來仍預顧海舟以俟亦省反往迂滯  
妄意謂聚而食之有熏染之患量給錢米遣之使復  
業費雖多而惠則大僭越及此慚悸無已

### 賀傳忠簡公劄

某竊以歲籥一新雨澤沾給人云、某共審年高八袞  
望重三朝兼天下之達尊為聖時之元老桂冠歸第  
戲采滿堂五馬雙麾輝耀七閩之盛重珪璽組牽聯

八葉之榮此常情為先生賀者也至於聖主坐膺  
新命圖任舊人安車之迎振履可竢推先生未究之  
經綸還祖宗盛時之典則此門生小子拳、所瞻頌  
者也某愚鈍不敏到官四易月鼠技已窮去歲之旱  
實甚入春已告跌食不揆公微申廟堂求僧牒七十  
道為賑貸備又求常平二萬石以贍飢民公帑悉以  
市軍食分委官吏寓公賢士勸上中戶發廩貸其鄉  
井幸一兩粗寬目前來日甚長未知所以為策儻蒙  
賜誨下情至荷昨拜書不端人回領寵荅且有厚賜  
感激迄今未已區、慶禮復悞後時敢乞益加保頤

順符前所望

與本軍曾知軍劄

者年

某竊以冬序過半寒力猶薄恭惟某官政譽諒聞惠  
浹千里神明介相台候動止萬福某一介庸陋獲受  
一廛被仁私適厚每竊自幸冬初之戍蒙春遇益隆  
燕犒贍餽超越等夷慙懃甚至感荷悚惕未易名言  
到官遣介致謝禮也而才短識闇冒當劇壘適又當  
早嘆之後疾癘之餘愁嘆死亡觸目驚畏多方求療  
復蠲舊減新窮日之力晝則講究奔走夜則籌思營  
度食息幾廢而民之困瘁自若已殫五枝無補萬一

分以此坐致因循天日所臨非敢怠也非敢忘也一  
書熏沐作而復輟何言可解仰惟蠲租甚厚鄉邦蒙  
福會有褒璽亟此吐露鄙誠且謝不敏敢乞揆序保  
和以輅殊寵

與鄭寺丞寅劄

某竊以春序更新積雨頗足恭惟某官道德在躬天  
子有詔神駉右左台候動止萬福某兩年鄉黨每親  
炙多聞直諒之友以自勉後恨拘牽家私不得慝旬  
翔林酒款密之願忽成及此來惘然若有所失謂通  
情請益願有尺書而投身涸郡饑病滿目食不下咽

咽者累月控告廟堂乞給僧牒倉臺求助廩粟市糶  
軍食至於空竭帑藏且不足若是於親故書問徒有  
餘暇厚自誣也知心之素何待自解寵翰之賜顧恐  
其不相体悉何以得眷記若此感與愧并百喙莫喻  
寶玉之慶亶是過厚進貢遺親屬不敢異衆而增秩  
一事妄欲陳乞追贈師友此意久已決尚望見教賢  
者家食惠澤屯畜恐非天意必有為上白者拭目數  
日以候召除陳候孰於為政鄉閭必蒙福寓公忠告  
所濟為多敢乞保蓄精神以孚人望

與江西孫提刑德輿



竊以春令初盼和氣充塞恭惟某官澄按一道清風  
懷然神明欽欽台候動止萬福某累、因人拜狀辱  
報謙寵感懌無量但遙離之久未嘗不瞻詠也江右  
今歲旱癘與閩中同傳聞建昌舊戾最不恤災擊而  
去之真部使者事此我不振久矣最是賄道上行是  
非顛倒察屬挾勢得以陵上使人氣短病者今漸安  
但來年春夏間必行荒政諸郡勸分既有米斛當遂  
仁術江東比年施行如真文所編最詳而龔恭政頃  
在豫章所行已刻梓於湖南諸司乃鄭郎中子仁所  
刻皆可覆也某踈謬冒來延平將謂前此有羨餘名

某既耻使有餘亦皆不至不足乃大不然交事之初  
諸庫不及三萬而去年之稅前官垂滿失催比常年  
如可催者萬五千緡某到官不忍病民被督立蠲之  
新租所收不及七分若委官履畝五邑多山田非兩  
月可遍蕪倉庾已罄又從來無此比不獲已將五等  
通放二分又減萬三千斛以此窘束不比江東省比  
可求朝廷補助僧牒但得一切苦節以自足而孔道  
達官往來亦不容節但堅守禁來出界之說求以足  
食踈短無長策日久憂煎幸望賜教陳尉既蒙予之  
金以脩橋又收錄之感荷荷荷

回傳寺丞劄壘

某竊以春序方新積雨乍晴恭惟某官治最久騰綵  
衣侍養名節鼎來台候神介萬福某比承榮滿臨漳  
之政二三十年所未有非敢諛也鄭寺丞過此某相  
與道惠政萬一其人頗知起敬不知去歲之旱比桐  
郡如何想亦略相似否交割之數必多前人蓋節用  
廉介所致非若近時培刻以自厚也積之徒為後人  
累必有區處以為永惠其細願示教俾有所法式也  
某愚昧無寸長冒然此來意謂從前尚有羨餘獻今  
縱不為此態豈不足為惠下之助到此適大旱且疫

凡採災之事摩不講蠲十三年前諸色稅十四年苗  
米五等戶通減二分諸邑二稅常年在州納有贏餘  
數千緡某以縣道空乏自到任即發下各縣催到官  
已將五月未嘗催科一文勻粟蓋舊欠盡蠲新稅未  
違省限只聽人戶自輸納傾倒諸帑盡糶米以補軍  
糧萬三千石又糶萬石為賑糶偁申廟堂乞給僧牒  
七十道又丐常平二萬斛緣本州初若不堪歎而民  
病失收遂不及四五分收春初已乏食又三山每歲  
仰此問米數萬石今為百姓禁遏下溪師憲必欲糶  
萬石方此力懇乞免糶不敢愛身以傷饑民凡此皆

薄命所招乃知向者不屑此來真是高見中夜嘆伏  
至於擊節已專拜閣學大諫侍郎先生書偶冗亟布  
心腹不覺羅縷敢冀保畱以輅褒擢下情至禱

### 與真西山書

某竊以冬律垂杪春令肇盼即日敬惟某官追慕感  
時神百其相起居寧謚某比人回及離軍人至符領  
賜書獎借之詞盜于畢櫝自惟踈拙日惧不能盡撫字  
之寄得罪百姓乃蒙過予祗竊慚悻諸邑稅賦其本  
邑所以有貧下戶入州糜費非獨以資縣計也承教

須戒諭令勿苛取浮費此第一義敢不遵承已嚴榜  
禁戢矣某平生不喜理財凡可以予民者多捐之不  
靳又吏卒凡差使恐有奸弊往來給其食費多入少  
日夕為之惕然書院一事承示誨帖姑遲之誠能晉  
意學校雖無書院亦自可正不必慕虛名無益也常  
年沙邑米以數十百萬斛下三山今但禁止令勿出  
界則來年荒備無急於此但恐守之不堅則坐寘數  
十百萬之人於饑歎之域此罪不小當以身任責也  
高峯論錄及論語通釋已寫就謹拜納其間皆確論  
恐可資高明某近治蒿師林十一乃素為盜之人買

敝舟薄人於險中夜溺殺九人奪其財而重賂獄吏  
以脫免將一年矣因閱案得之已追證明白但尸首  
無存法令難行不免點之三十里外碎其手撒其巢  
編配停藏之人與受賂之吏中嚴條法開鑿數灘乘  
此冬旱已見次第天險可除人心難保一但蕪舉比  
去年破舟之訟十省八九矣恐欲知須得上四州皆  
如此行庶灘之患少息已嘗白馮憲矣

與鄉守陳國博與行書

某區、謝悃已具額劄茲有火懷仰干聽瑩鄉邦旱  
歉天畀賢侯以繼垂絕之命饑羸郡聚城郭動以千

計廩食而寢處之惠至渥也某雖游宦於外何異冥  
身仁術之內感戴喜幸若無所容竊謂高明凡所區  
畫皆合事機目前可以少安狹慮距食新尚數月漕  
臺矜恤之惠甚厚竊恐口多食少妄意謂招集米商  
貸以本錢使糴於浙右二廣徑申朝廷便宜支撥椿  
積之鎡要在神速庶幾及事某頃在星江值歲旱嘗  
徑截上供錢萬緡濟糴不俟朝命亦蒙寬貸不問蓋  
君相仁心素著獨於此事不憐從厚某亦僭以此說  
獻之憲使今監司皆設、於救荒當此五十年所無  
之旱恐難拘牽常例狐疑狹豫恐有無及之虞某已



申朝廷丐僧牒七十道充濟糴申庾臺丐米二萬石  
又傾帑糴萬餘石為軍食數千石目今市糴及委官  
於倉峽日糴分委寄居士人勸中上戶及時假貸佃  
大絕糧凡此皆常行淺說不足薦於大君子之前然  
捨此未有奇策可以為助僭越犯分言之下情皇恐  
仰乞恕照

與閩清鄭知縣 爚書

某再拜上覆某官比過治下芻舟數里本出素心乃  
承遠出邀於渡頭幸得執手數刻有懷莫既又復分  
飛寸祿縻人跬步不能如志至今愧恨即日霜寒伏

惟尊候動止萬福今子新除昆季各安佳老人孳累  
附拜意延平彫弊乃至此公帑只有二萬三千緡諸  
庫共如此而倉儲亦無幾但有鹽號八九萬緡不售者數  
月矣十室九病死亡相屬多方採藥為費已三千餘  
緡米三百餘斛此數日方有痊意去年租與盡蠲二  
萬餘緡新苗米亦減萬餘石公私赤立誠可寒心安  
之若命唯有震惕偶得北山陳郎中書云白雲寺乃  
其先壟所托陳於寓公中為臣擘想聞其賢書翦半  
紙拜呈幸加念他容續狀不宣

又

某再拜上覆判縣君瑞賢親已拜書謝先施言有未  
盡復此布露承喻拯飢一事某頃在星諸及是兩年  
粗得其一二蓋施藥與粥可及市井而不可及鄉落  
藥雖多施而小民寒涼異候或及作疾莫如委鄉曲  
賢士每邑請數人人送數千為路費在州則每士人  
差四兵各裹糧一吏隨行窮山深谷往回旬餘靡室  
不到亡者一千病者五百本州自那融錢數千緡益  
以師漕錢粗能及數千家以戶計不以口計始能普  
及雖少而均州縣官亦分遣行公文見示已送縣追  
人續奉報

回劉學錄劄

某伏以上冬之月天氣尚暖恭惟學錄省元道高鄉黨德履日新神駉勞相台候動止萬福某拜別誨色恰一年餘投身吏鞅每於中夜思鄉間賢彥未嘗不屬心左右旦晝事牽又復忘之昨辱一書皆為政大本今人所忽古人不可一日不加意者三復慨嘆歎致數語謝而汲汲薄書期會掾過不暇探本索源以若盛意因循及今此某之罪也掾荒當先村落而後城市其說甚長不可立談但有志於惠則雖少而必均苟慕虛名費多功寡是真何益某向者星江荷黃

先生教以計戶不計口之說然後力省功倍又革偽  
濫之弊行之果簡便而覈今夏方能就緒蓋既減租  
米之外無它錢粟可及貧窘則節縮它費得日數千  
緡隨門給助多委士友任之無官吏侵漁之慮至於  
劍浦一邑勸分得米六萬石穀萬餘石它邑却但民  
離而米不踴竭力只能及負郭一邑方喜今秋中稔  
而八月以來疾疹復作城中村落無獲免者州中再  
捐三五千緡及諸司助千餘緡分行散施一戶病者  
五百死者一千務要遍及俟見實數有力復散已散  
者庶幾可繼若多與一旦不繼中輟則言不副心所

謂無益者是也某比上便民五事力排羨餘之獻蓋此郡一歲之入五十萬緡而未嘗不足數年來每政虧十萬緡民安得不因今既絕此蠹則好事可為者豈可計悔吝而不為但恐踈謬之蹤不能必其久在此不能遂初心耳它不足道所謂社倉直是人存政舉今皆虛名未易縷陳也近為延平書院已昧冒請勅額非不知庸陋之人為此希濶事必得不自量之謂但事有不容已者只得不計成否及時上聞尊契丈躬行古道不知可屈一來否其細尚候續布稟報稽緩罪不容誅伏惟受知素深心辱原貸

回建安劉主簿潛夫

某方拜書已緘未遣忽又領近汗切、為鄉民被饑  
且述目覩流離溝壑之狀誦之不覺涕下閩境號為  
樂郊何嘗至此非天畀賢部使者鼎峙相望皆以賑  
貸為事則其禍又不止此承喻漕使許撥常平三千  
至鄉邦而舟楫之費陳候未知所處至煩宛轉念慮  
益用慨嘆有自鄉來者言饑民荷郡中聚養於城內  
外之精舍而熏炙就斃者日不下數人蓋聚而食之  
不若量給錢米使及故居為善若得人予三五千則  
庶幾尚可為全人其次則給米與之今舟自此至建

則送而費多自建至此則順而費省自此至懷安順  
而費亦不為多已與舟人議價錄呈若得漕臺錢借  
與津發至鄉一郡何敢不償所借則速而有濟自建  
至此者漕臺假之自此至懷安本州假之却令鄉郡  
自懷安運至大義然須得漕牒行下則本州敢借也  
不然則有黨同之譏幸尊悉